

Motafarriqat K H

نحن أقرب للغرب لانو نحنا من اساستو. وبعدان اجول عنا. ما كان في "غرب": كان تيار عالمي من المغرب/ برتغال لباكستان.

اليونان وصلو لباكستان والفرس لمصر ولتركيا، والكنعانيين لكل هل المنطقة بتجارتن ومستوطناتن.

اليهود - العبرانيين ما اندمجو بحدن.

الاسلام خلقو دين ودنيا يعني دين وثقافة وقوانين حياتية يومية جديدة وبهالشي اسسو مفهوم "شعب" جديد، وكل الشعوب يلي احتلّوها واسلموها صارت ضمن الشعب الجديد: صار في تيارين عالميين: شيلي الاقليات الذمية من مسيحيين بالعالم الاسلامي، ما في الا مسيحية لبنان إلن وزن ضمن جمهورية حالية، عبر مقاومة ضارية وحصار لميات السنين بالجبال.

التيار الاسلامي والتيار "ما أصبح الغربي" حيث الشرق كلو سقط للإسلام، ما هضمو بعضن. بس المسيحي، وخاصة بلبنان ولكن حتى باقي الدول، بضلّ نفْسُن "غربي" ومش عربي، هل عربي يلي يتلازم مع الاسلام ولو إنو بعض الاحزاب حاولت تفصل، وما نجحت.

(١) يمكن قلتي شي بل غلط: الكنعانية تجمع المسيحيين مش اللبنانيين. ومن كان كنعاني مسيحي وأسلم وتعرّب صار في هيك بقوة احتلال، ما كان خيار.

(٢) قتلّك انو الاسلام = دين ودنيا: by definition: إذا تخلّيتي عن الدنيا يعني انت **you do not fulfill Islam**: الا إذا بدك تلغي اشيا من القرآن والأحاديث النبوية يلي خصّا بالدنيا وتطبيق الشريعة او حتى جزء منها... صرنا بشي جديد. اما لبس هوية كنعانية بالوجدان مع بعض العوايد الاسلامية مثل الحج والصوم والشهادة ان محمد رسول الله فهيدا بطلّ أسمو اسلام. ما فيكي تشلي شأفة من مزهرية. بدا تنكسر.

(٣) المشكل انو البعض بقول ان موارد لبنان وروم سوريا والسريان والاشوريين والكلدان يعني كل مسيحية العراق: كلن سريان. لانو لغتن سرياني (الحقيقة هي إنو تحديداً لغتن الفصحى كانت سريانية بس مش المحكية): **صراحة ذات خطأ العروبة من زاوية استعمال اللغة كمؤشر على الهوية**. مش دايمًا اللغة = الهوية. كتير دول اعتمدت الاسبانية والانكليزي، مش معناتو صارو اسبان وانكليز.

بالنصف الغربي من المشرق، ايه إذا عادو المسلمين للمسيحية او الالحاد، ما سيعتقونه كثقافة سيكون قريب من الثقافة الكنعانية في لبنان. واصلاً اللغة ببيحكوها. قبل الاسلام، كل المسيحي حول لبنان كانت ثقافتن شبه كنعانية ولو ما كانوا احفاد الحضارة يلي شاء القدر انو اخدت مجدها بلبنان من بعد ما انطلقت من عندن ومن عنا.

كمان انتي ما انتبهتي او يمكن ما مرفت معنا: **نحن لهجتنا اللبنانية هي لغة كنعانية**. او كي، حديثة، مش الكنعاني القديم. هيك العلم بقول هيك الغرب ثبت. ومعظم سوريا، وغرب الاردن وفلسطين هيك. كلن لهجات كنعانية. العربي الدارج العلمي هو بقلب البادية من سوريا والعراق للسعودية. مشان هيك ما بتفهمني شي بالرياض.

٤) بالتالي بس قول لازم الكنعاني يكون لغة رسمية بلبنان، أعنى "اللبناني"، الى جانب العربية يلي الاسلام ما بيتخلو عنها. مثل بلجيكا وسويسرا. مش الكنعاني القديم! فأكيد اهين من السرياني. هي لغتك يلي بتحكي: مش ناقص الا تكتبيا! وقلها قواعد بس موجودة بالمعاهد الاوروبية. ايه نعم الدارج قلو قواعد محكية! لاحظي انا هون عمبكتب خليط بين كنعاني (يعني لبناني، المعروف للاسف بالعربي الدارج وهيدا الاسم مدخل من مداخل تعريينا، انو يا خيي انتو بتحكو عربي)، وشويت إنكليزي وشويت عربي.

٥) كل كانتون يحط اللغات الرسمية يلي بدو ياها! بس لبنان كدولة مش مضبوط يحط غير الكنعاني (بعيد وبكرّر، اي اللبناني الحالي) والعربية. والا ح نفتح بواب خلافي للتمثيل السياسية بعيداً عن الواقع العلمي. وممكن يعترف لبنان لا بل لازم يعترف بالسرياني والارمني والاشوري والكلداني والقبطي وحتى الكردي كلغات أقليات.

٦) **التخلي عن اللغة الكنعانية وأبجديتها كفصحى** جاء عند الموارنة سنة ١٢٥٠ بعد ٨٠٠ سنة من دخول السرياني، وكون السرياني اعتُبر بالغلط لغة المسيح. هيك صار بالعراق وبفارس كمان. الشرح خرج وجّ بوجّ. الكنعاني عند الروم سقط فجأة بقوة الاحتلال أبان الفتح الاسلامي بفترة سنة ٧٠٠. صراحة، بكل محبة وغفران، ما يزعلو الاسلام. بس هي الحقيقة. السرياني عند الموارنة سقط نهائياً سنة ١٩١٠ (مش من زمان) بقوة الضغط منذ بداية احتكاك الموارنة بمحيطهم المسلم منذ ١٣٨٢، بعد فك الحصار وحصولن عل امتيازات. يعني سقط السرياني بعد ٥٠٠ سنة من بداية دخول العربية، وكان في دور للنهضة العربية يلي سرّعت الموضوع. الشرح بوقت آخر.